

- 1* وزیر اعظم نریندر مو دی نے اج وینا مانہہ آسٹریہ غا چانسلر نال ملاقات کر غے دو طرفہ معاملات ور گل بات کی ہے۔
- 2* عدالتِ عظمیٰ نے اج کہیو ہے جے مسلم خاتون دفعہ 125 غے تحت خاوند تیں پرورش غی حقدار ہیں۔
- 3* فوجی غی شمالی کمانڈ غا لمانڈر لیفٹنٹ جنرل ایم وی سچیندرہ کمار نے لداخ قبضہ لکیر غا اگلا علاقہ غو دورو کیو ہے۔
- 4* تے صحت تے طبی تعلیم غا محکمہ غا سیکریٹری ڈاکٹر سید عابد رشید شاہ نے جموں کشمیر غا تمام تر سرکاری میڈیکل کالج مانہہ ہنگامی دوائیاں با رے شعبو تیار کرن غو جائزو لیو ہے۔

PM Austria Visit

وزیر اعظم نریندر مو دی نے اج وینا مانہہ آسٹریہ غا چانسلر نال ملاقات کی۔ اک سماجی ذرائع ابلاغ پوسٹ مانہہ جناب مو دی نے جناب نہا مار غو شکریو ادا کیو جے انہاں نے وزیر اعظم گو استقبال کیو۔ تے کہیو جے مضبوط بھارت آسٹریہ دوستی آتا وقت مانہہ بو رتگڑی وے گی۔ وزیر اعظم نے یوہ وی کہیو جے دوئے ملک مل غے کم کرنو جا ری رکھیں گا۔ چانسلر نہا مار نے وی خوشی غو اظہار کیو تے کہیو جے وزیر اعظم مودی غو آسٹریہ مانہہ استقبال کرنو اک عزت غی گل ہے۔ انہاں نے کہیو جے آسٹریہ تے بھارت دوست تے حصے دار ہیں میٹنگ غے دوران وزیر اعظم مو دی تے چانسلر نہا مار نے کئی دو طرفہ تعلقات ور تبادلہ خیال کیو۔ جن مانہہ تجارت، سرمایہ کاری، سائنس تے ٹیکنالوجی سرسبز توانائی، موسمیاتی تبدیلی ثقافتی تعاون تے لوکاں سنگ لوکاں غا رشتہ شامل ہیں۔ لیڈراں نے آپسی مفاد غا علاقائی تے عالمی مسائل ور وی نظریات سانجھا کیا۔ میٹنگ تیں بعد اک پریس بیان مانہہ جناب مو دی نے کہیو جے انہاں نے اس وقت انسانیت نانہہ درپیش سب تیں بڑی للکاراں ور تبادلہ خیال کیو۔ جس مانہہ موسمیاتی تبدیلی تے دہشت گردی شامل ہے۔ وزیر اعظم نے کہیو جے انہاں نے آسٹریہ نانہہ بھارت غی شروعاتاں مانہہ شامل ہون غی دعوت دتی ہے۔ اس تیں پہلاں وزیر اعظم غا کل وینا پُجن ور ات رہ ریا بھارتی لوکاں نے زبردست استقبال کیو۔

SC Muslims Women

سپریم کورٹ نے اج کہیو ہے جے مسلم خاتون دفعہ 125 غے تحت خاوند تیں پرورش غی حقدار ہے۔ جسٹس بی وی ناگراٹھنا تے اگسٹائن جارج مسی اک معاملہ غی عرضی رد کی جھپڑی اک مرد نے سی آر پی سی غی دفعہ 125 غے تحت اپنی طلاق شدہ بیوی

نانہ عبوری پرورش دین گا حکم غے خلاف دتی تھی۔ بینچ نے کہیو ہے جے مسلم خواتین طلاق ور حقوق غا تحفظ قانون 1986 سیکولر قانون ور غالب نہیں آسکتو۔ بینچ نے کہیو جے 2019 غا قانون غے تحت آلو چارو دفعہ 125 غے نال نال رہ گو۔ عدالت نے کہیو ہے جے پرورش لین با رے قانون تمام خواتین واسطے ہے۔

CS Tourism

چیف سیکریٹری اتل ڈلو نے پچھلے تہاڑے اک میٹنگ منعقد کر غے عالمی بینک غی طرفوں آن آلا 4 توں 5 سالاں واسطے رقومات فراہمی واسطے مرکزی وزارت سنگ چائی جان آلی محکمہ سیاحت غی تجویز غو جائزو لیو۔ اس دوران جناب ڈلو اُن افسراں تیں خاصا متاثر ہوا جنہاں نے جموں تے کشمیر ڈویژن غی اُن جگہاں غو انتخاب کیو جھپڑی موجو دہ وقت مانہ اتنی تیار نہیں مگر مستقبل مانہ منفردانہ طاقت ور تیار ہون غی صلاحیت رکھیں۔ اس دوران اُنہاں نے ان جگہاں غے نزدیک دوجی جگہاں نانہ تیار کرن با رے مشورہ وی دتا۔ سیاحت با رے کمشنر سیکریٹری یشا مدگل نے اس میٹنگ غے دوران اس تجویز غی اہم صلاحیت ور وی لو کہلی۔

Div Com Raghunath Bazar

صوبائی کمشنر جموں رامیش کمار نے کل رگھو ناتھ بازار غو دور کر غے اُت عملایا جا رہیا ترقیاتی کماں غی صورتحال غو معائنو کیو۔ صوبائی کمشنر نانہ مکمل ہوا چل رہیا ترقیاتی کماں غی جانکا ری دتی گئی۔ اس موقع ور رگھوناتھ بازار ایسو سی ایشن غا نمائنداں نے تسلی غو اظہار کرتاں واں نفاذ کماں مانہ اُن غی حمایت دین غو واعدو کیو۔ صوبائی کمشنر نے صلاح دتی ہے جے دکاناں نانہ اک جیسی بنائی جا ئیں۔

BIMSTEL

کثیر سیکٹر تکنیکی تے معاشی تعاون واسطے دوجی خلیج بنگال پہل پلک نویں دہلی مانہ شروع ہو رہی ہے۔ خارجہ امور غی وزارت نے جانکا ری دتی ہے جے وزیر ایس جے شنکر پروگرام مانہ بمسٹیک ہم منسباں غی میزبانی کریں گا۔ وزارت نے مزید کہیو ہے جے یوہ پروگرام تعاون کشادہ تے ڈونگا کرن واسطے موقعو مہیا کراوے گو۔ قابل ذکر ہے جے بیمسٹک پروگرام غو پہلو شمارو پچھلے سال جولائی مانہ بینگاک تھائی لینڈ مانہ منعقد ہوؤ تھو۔ واضع رہ جے بیمسٹک 7 ملکاں غو اک گروپ ہے۔

Plantation Drive Reasi

جموں کشمیر یوٹی انتظامیہ غی ہدایت ور اج ریا سی ضلع غا تمام سرکاری اسکولاں مانہ شجر کاری مہم شروع کی گئی ہے۔ اس مہم غے تحت محکمہ جنگلات، محکمہ تعلیم غا اشتراک سنگ 10 سو 98 سکولاں اندر 1 لکھ توں متا بکھ بکھ قسم غا بوٹا لایا

جا ئیں گا۔ اس مہم غی شروعات اج ڈپٹی کمشنر ریا سی وشیش مہاجن نے کی اُنہاں نے کہیو۔۔۔ با ٹ۔۔۔

Army Commander Challenges

فوج غی شمالی کمان غا کمانڈر لیفٹنٹ جنرل ایم وی سچیندرہ کمار نے لداخ مانہہ قبضہ لکیر غا اگلا علاقہ غو دورو کیو۔ اس دورہ غے دوران اُنہاں نے جواناں نانہہ مستقبل مانہہ پیدا ہون آلی للکاراں سنگ نمڑن بارے تیار رہن با رے وی کہیو۔ فوجی کمانڈر نے دراس غو دورو کر غے آپریشن وجئے غے دوران مُلک غی خاطر اپنی جاناں غو نذرانو پیش کرن آلاں نانہہ خراج عقیدت وی پیش کیو۔ شمالی کمانڈ غی طرفوں سماجی میڈیا سائٹ ایکس ور دتی جانکا ری غے مطابق اس دورہ مانہہ شمالی کمان غا فوجی کمانڈر ایم وی سچیندرا کمار غے سنگ فائر اینڈ فیو ری کو ر غا جی او سی وی موجود تھا۔ جنہاں نے قبضہ لکیر ور تعینات یونٹاں غو دورو کر غے کا روائی تیاریاں غو جائزو لیو۔ جناب کمار نے اس تیں علا وہ فوجیاں غی تعریف کی تے اُنہاں نانہہ پیشہ وارانہ مہارت واسطے اعلیٰ معیار اور آن آلی للکاراں با رے تیار رہن غی تلقین وی کی۔ اُنہاں نے کرگل سیکٹر مانہہ بٹالک غا دورہ غے دوران فارمیشن کمانڈراں تے جواناں سنگ ملاقات وی کی۔

Samba Security

دو تہاڑا پہلاں ضلع کٹھوعہ غا بدنوٹ علاقہ مانہہ ہوا دہشت گردانہ حملہ غے چلتیں ضلع سانہہ مانہہ حفاظتی انتظامات مزید سخت کر دتا گیا ہیں۔ اس سلسلہ مانہہ اج ضلع غا سرحدی علاقہ مانہہ ایس او جیغی طرفوں خصوصی طور روراک تلاشی کا روائی غی سربراہی ڈی ایس پی آپریشن جی آر بھردواج کر رہیا تھا۔ جس مانہہ خصوصی آپریشن گروپ غا جواناں نے چپہ چپہ غی تلاشی کی۔ اس سلسلہ مانہہ مہارا سانہہ غا نمائندہ سپتال شرما سنگ گل کرتاں واں ایس او جی غا ڈی ایس پی جی آر بھردواج نے اس طرح کہیو۔۔۔ با ٹ۔۔۔

H&ME CMC

صحت تے طبی تعلیم کا سیکریٹری سید عابد رشید شاہ نے کل اک میٹنگ غے دوران جموں کشمیر غا تمام سرکاری میڈیکل کالج مانہہ ہنگامی دوائیاں با رے شعبو تیار کرن غو جائزو لیو۔ موصوف نے اس سلسلہ مانہہ محکمہ غا سنٹر افسراں غی اک میٹنگ غی صدارت سول سیکریٹریٹ سرینگر مانہہ کی۔ ڈاکٹر عابد رشید نے تمام لوکاں نانہہ معیاری ہنگامی طبی دیکھ بھال مہیا کران غو نظریو اُجاگر کرتاں واں تمام لوازمات غی کاروائی مانہہ تیزی لیاں غی ضرورت غو اظہا رکیو۔ اُنہاں نے دستیاب ڈھانچہ تے انسانی قوت غو بہترین استعمال کرن واسطے کہیو۔

NDMA SANY 24

قدرتی آفات غی روک تھام با رے قومی اتھارٹی این ڈی ایم اے نے کل ضلع انت ناک مانہہ اک اہم میٹنگ بلائی۔ میٹنگ غو مقصد چل رہی شری امرناتھ یا ترا با رے قدرتی آفات غی روک تھام واسطے تیاریاں غو جائزو لینو تھو۔ میجر جنرل ریٹائرڈ اجے کمار ورما جھپڑا این ڈی ایم اے مانہہ سنئیر مشاور ہیں نے میٹنگ غی صدارت کی۔ میٹنگ غے دوران قدرتی آفات غی روک تھام با رے وسیع تیاریاں ور توجہ مرکوز کی گئی۔ میٹنگ مانہہ دسیو گیو جے ضلع انتظامیہ تے متعلقہ ایجنسیاں نے انسانی قوت تے سازو سامان مہیا کرایو ہے۔ تانجے کسے وی ماڑہ وقت مانہہ موثر طریقہ نال مقابلو کیو جاسکے۔ اس تیں علاوہ میٹنگ مانہہ یوہ وی دسیو گیو ہے جے یا ترا رستہ غا اسٹیشن ضروری سازو سامان نال لیس کیا گیا ہیں۔ تے قدرتی آفات تیں بچن واسطے اگ بجھان آلا سلینڈر، تحفظ واسطے ریلنگ، لوکاں سنگ خطاب کرن واسطے نظام، ہنگامی صورتحال بارے مواصلاتی نظام تے ہنگامی صورتحال واسطے فون نمبر تیار رکھیا گیا ہیں۔ میجر جنرل اجے کمار نے ٹیکنالوجی غا استعمال، موثر تال میل اور آفات غو اثر کھٹ کرن واسطے فوری اطلاع دہی ور زور پایو۔

CBSE

سی بی ایس ای نے واضح کیو ہے جے موجو دہ نصابی کتاباں مانہہ جھپڑی تبدیلی کی گئیں ہیں ویں صرف تیجی تے چھٹی جماعت واسطے ہی کی گئی ہیں۔ اس سلسلہ مانہہ اسکولاں نانہہ ہدایت کی گئی ہے جے ویں تیجی تے چھویں جماعت نانہہ چھوڑ غے باقی جماعتاں واسطے پچھلا سال آلی کتاب ہی استعمال کرتا رہیں۔

Weather

بھارتی محکمہ موسمیات نے شمال مشرق، مغرب تے جنوبی بھارت مانہہ آن آلا 2 توں 3 تہاڑاں اندر شدید بارش بون غی پیشنگوئی کی ہے۔ اس سلسلہ مانہہ مزید جانکاری دیتاں واں محکمہ موسمیات نے دسیو ہے جے مغربی بنگال، آسام، میگالیہ، سکم، گواہ، کرناٹک، گجرات تے جنوبی بھارت غا کجھ حصاں اندر اگلا 3 توں 4 تہاڑاں اندر خاصی بارش بون غو امکان ہے۔ آکا شوانی سنگ گل کرتاں واں محکمہ موسمیات غی سائینسدان سوما سن رائے نے دسیو جے سائیکلون غا چکر مانہہ تبدیلی سنگ آن آلا تہاڑاں مانہہ بہا ر اندر وی بارش بون غو امکان ہے۔
